

**Zeitschrift:** Le nouveau conteur vaudois et romand  
**Band:** 84 (1957)  
**Heft:** 12

**Artikel:** La vesita à Letse-gredon  
**Autor:** Terpenaz, Pierro  
**DOI:** <https://doi.org/10.5169/seals-230612>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 07.01.2026

**ETH-Bibliothek Zürich, E-Periodica, <https://www.e-periodica.ch>**

## La vesita à Letse-gredon

Crâyo que vo z'é dza de que Letse-gredon l'è on veladzo rido pourro que s'an d'obedzi de tsonyï l'erdzin, de tré to meinadzi po pas crévâ de fan la maïti dau tein. Adan, la quemouna pau pas baillî on gros salèro à la coumechon d'écoûla, lau baille à tsacon doû fran que l'aressan prau po on bocon de repé lo dzo de la vesita, s'é conteintan bal et bin dinse, n'an pas accoutumâ de brassâ l'erdzin avoué onna pâlla rionda, adan san to fié avoué lau balla pîce de doû fran !

Sti an, adan, l'an fé onna tenâbllia po bin adrâ s'espliquâ po fére la vesita que l'an décidâ de la fére lo premî dzo dau mâ d'avri que l'îre on delon. Dinse l'an zu le zi la demeindze de l'au repassâ pé la tîta la jographie, la guerra dau Sonderbon et çaque de morgâte, la règla po tsertsi l'é-z-interé, l'otographe que l'é oquie que l'é rido défecilo quand l'é qu'on é pas menistre au bin régent !

Lo dzudzo Moichet, que biagâve tant que savai tot yécrisai dinse à la piantse nôre on iadzo que fasai la vesita dau careu : *catres zaippainglent po quatre épingles*. Adan ti l'é-z-écoûli, lo régent Monfiet et l'é-z-autro de la côumechon d'écoûla s'éstan fotu à recaffallâ que l'avai zu cein pî de vergogne, clli biagneu de Moichet !

Quand l'an zu to décidâ po la vesita, s'an zu tanque à la pinta dau « Bô que rondze », po quemandâ lo repé. S'an zu drai à l'otô po trovâ Abram Piotounet, lo cabartié, et sa fenna qu'on l'ai dit « lo cyclamen », dû que l'é pouta quemet onna detta, ma que l'é sutia qu'on diabblio po fére lo bon medzi. L'an quemandâ on litre et pu l'an espliquâ l'affére.

L'an passâ l'avan medzi onna dzenelhie que « lo cyclamen » l'avai atsetâ

à la mère Napier, ma sti an foudrai petître tsandzi on bocon... Ma avoué dou fran, on pau pas fére tant de clliau zestra. A la boutseri, la tsé l'é tsîra...

Adan, Djan Cougnet, que l'a adi oquie ein tîta, l'a de dinse :

— S'é prau mé que no foudrai que coterai pas tant tché ; l'é... l'é... l'é... l'é lo matou à la mère Subllet, que l'ai dit « Vermouth », que l'é rosset, l'é villho, dusse avai doze an, l'a rido roudâ ce tau tin passâ pé lo veladzo ; ma farai bin noutron-n-affére. Et pu sara omète fro de la lingua dai dzin ! Vu prau m'espliquâ avoué li dau moeint que vint ti lé dzo fére on sonno à midzo dézo noutron pèra coyâ !

N'an pas tan émailli : La coumechon d'écoûla de Letse-gredon, Abram Piotonnet et lo cyclamen, l'an étâ tré ti d'accoi « po fére dinse lo menu » dau « banquet officiet » :

*La bouna soupa ai-z-ustie  
Lo matou à la mère Subllet  
(bin aquemoûdâ avoué dai-z-ugnon)  
Lé truffie boulâte (dai magnum)  
La salârda ai lâitron*

L'an bu encora on litre ein s'é redzoyein d'ître à la vesita !

*Pierro Terpenaz.*

### ROMANDS...

avant d'acheter vos  
meubles neufs ou d'occasion...  
visitez, **ruelle du Grand-Saint-Jean 2-5**  
(en dessous du Café de la Placette)

**l'atelier d'ameublement**

**HINZE - MARSCHALL**

Lausanne - Tél. (021) 22 07 55

**Vous y trouverez certainement ce que vous cherchez !**

Devis sans engagement